

Исламдық бағалы қағаздарды шығару, айналысқа жіберумен өтеу және оларды мемлекеттік тіркеу, орналастыру және өтеу қорытындылары туралы есептерді қарау және исламдық бағалы қағаздар шығарылымының күшін жою қағидаларын , сондай-ақ Исламдық бағалы қағаздардың шығарылымы перспектісіне қойылатын талаптарды бекіту туралы

Күшін жойған

Қазақстан Республикасы Ұлттық Банкі Басқармасының 2015 жылғы 19 желтоқсандағы № 251 қаулысы. Қазақстан Республикасының Әділет министрлігінде 2016 жылы 4 ақпанда № 13006 болып тіркелді. Күші жойылды - Қазақстан Республикасы Ұлттық Банкі Басқармасының 2018 жылғы 29 қарашадағы № 298 қаулысымен

Ескерту. Күші жойылды – ҚР Ұлттық Банкі Басқармасының 29.11.2018 № 298 (01.01.2019 бастап қолданысқа енгізіледі) қаулысымен.

"Бағалы қағаздар рыногы туралы" 2003 жылғы 2 шілдедегі Қазақстан Республикасының Заңына сәйкес Қазақстан Республикасы Ұлттық Банкінің Басқармасы **ҚАУЛЫ ЕТЕДІ:**

1. Мыналар:

1) осы қаулыға 1-қосымшаға сәйкес Исламдық бағалы қағаздарды шығару, айналысқа жіберу мен өтеу және оларды мемлекеттік тіркеу, орналастыру және өтеу қорытындылары туралы есептерді қарау және исламдық бағалы қағаздар шығарылымының күшін жою қағидалары;

2) осы қаулыға 2-қосымшаға сәйкес Исламдық бағалы қағаздардың шығарылымы перспектісіне қойылатын талаптар бекітілсін.

2. Осы қаулыға 3-қосымшаға сәйкес Қазақстан Республикасының нормативтік құқықтық актілерінің күші жойылды деп танылсын.

3. Бағалы қағаздар нарығының субъектілерін қадағалау департаменті (Хаджиева М.Ж.) заңнамада белгіленген тәртіппен:

1) Құқықтық қамтамасыз ету департаментімен (Досмұхамбетов Н.М.) бірлесіп осы қаулыны Қазақстан Республикасының Әділет министрлігінде мемлекеттік тіркеуді;

2) осы қаулыны Қазақстан Республикасының Әділет министрлігінде мемлекеттік тіркелгеннен кейін күнтізбелік он күн ішінде "Қазақстан Республикасы Әділет министрлігінің республикалық құқықтық ақпарат

орталығы" шаруашылық жүргізу құқығындағы республикалық мемлекеттік кәсіпорнының "Әділет" ақпараттық-құқықтық жүйесінде ресми жариялауға жіберуді;

3) осы қаулы ресми жарияланғаннан кейін оны Қазақстан Республикасы Ұлттық Банкінің ресми интернет-ресурсына орналастыруды қамтамасыз етсін.

4. Халықаралық қатынастар және жұртшылықпен байланыс департаменті (Қазыбаев А.Қ.) осы қаулыны Қазақстан Республикасының Әділет министрлігінде мемлекеттік тіркелгеннен кейін күнтізбелік он күн ішінде мерзімді баспасөз басылымдарында ресми жариялауға жіберуді қамтамасыз етсін.

5. Осы қаулының орындалуын бақылау Қазақстан Республикасының Ұлттық Банкі Төрағасының орынбасары О.А. Смоляковқа жүктелсін.

6. Осы қаулы алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Ұлттық Банк

Төрағасы

Д. Ақышев

Қазақстан Республикасы
Ұлттық Банкі Басқармасының
2015 жылғы 19 желтоқсандағы
№ 251 қаулысына
1-қосымша

Исламдық бағалы қағаздарды шығару, айналысқа жіберу мен өтеу және оларды мемлекеттік тіркеу, орналастыру және өтеу қорытындылары туралы есептерді қарау және исламдық бағалы қағаздар шығарылымының күшін жою қағидалары

1. Осы Исламдық бағалы қағаздарды шығару, айналысқа жіберу мен өтеу және оларды мемлекеттік тіркеу, орналастыру және өтеу қорытындылары туралы есептерді қарау және исламдық бағалы қағаздар шығарылымының күшін жою қағидалары (бұдан әрі – Қағидалар) "Бағалы қағаздар рыногы туралы" 2003 жылғы 2 шілдедегі Қазақстан Республикасы Заңының 3, 8, 24 және 32-3-баптарына (бұдан әрі – БҚР туралы заң) сәйкес әзірленді және исламдық бағалы қағаздарды (исламдық жалдау сертификаттары мен исламдық қатысу сертификаттарын) шығару, айналысқа жіберу мен өтеу және оларды мемлекеттік тіркеу, оның ішінде исламдық бағалы қағаздарға ұлттық сәйкестендіру нөмірін беру, сондай-ақ орналастыру және өтеу қорытындылары туралы есептерді қарау және исламдық бағалы қағаздар шығарылымының күшін жою талаптарымен тәртібін айқындайды.

2. Эмитент исламдық бағалы қағаздардың шығарылымын мемлекеттік тіркеу үшін бағалы қағаздар нарығын реттеуді, бақылау мен қадағалауды жүзеге асыратын уәкілетті органға (бұдан әрі – уәкілетті орган) мынадай құжаттарды ұсынады:

1) исламдық бағалы қағаздың түрі көрсетіле отырып, еркін нысанда жазылған өтініш;

2) исламдық бағалы қағаздарды шығару, орналастыру, айналысқа жіберу және өтеу, эмитент исламдық бағалы қағаздарды орналастыру нәтижесінде алған қаражатты пайдалану тәртібі, исламдық бағалы қағаздар шығарылымының көлемі, саны мен түрі, исламдық бағалы қағаздардың номиналды құны, исламдық бағалы қағаздардың айналыс мерзімі, исламдық бағалы қағаздарды ұстаушылардың құқықтары, сондай-ақ эмитент қабылдайтын міндеттемелер (шектеулер) туралы мәліметтер қамтылатын эмитент органының исламдық бағалы қағаздардың шығарылымы туралы шешімінің көшірмесі;

3) исламдық қаржыландыру қағидаттары жөніндегі кеңеспен келісілген екі данадағы исламдық бағалы қағаздар шығарылымының проспектісі;

4) эмитент пен оригинатор жарғыларының көшірмелері;

5) эмитент пен оригинатордың арасында жасалған, оригинатордың Қазақстан Республикасының бағалы қағаздар нарығы туралы заңнамасымен және исламдық қатысу сертификаттарын сатып алу немесе мерзімінен бұрын өтеу, сондай-ақ исламдық бағалы қағаздар шығарылымының проспектісінде белгіленген жағдайларда эмитенттен мүлікті сатып алу жөніндегі міндеттемелерді қосқандағы исламдық бағалы қағаздар шығарылымының проспектісінде белгіленген міндеттемелерді орындау талаптары айқындалатын шарттың көшірмесі;

6) бөлінген активтерді құрайтын мүлікті сенімгерлікпен басқару шартының көшірмесі (мүлікті сенімгерлікпен басқаруға берген кезде).

3. Эмитент исламдық бағалы қағаздардың шығарылымын мемлекеттік тіркеу үшін ұсынған құжаттар Қазақстан Республикасы заңнамасының талаптарына сәйкес келген жағдайда, уәкілетті орган:

1) исламдық бағалы қағаздардың шығарылымын тіркейді және эмитентке осы Қағидаларға 1-қосымшаға сәйкес нысан бойынша исламдық бағалы қағаздардың шығарылымын мемлекеттік тіркеу туралы куәлікті береді;

2) уәкілетті органның оның мемлекеттік тіркелгендігі туралы белгісі бар исламдық бағалы қағаздар шығарылымы проспектісінің бір данасын эмитентке қайтарады.

4. Эмитент исламдық бағалы қағаздар шығарылымының проспектісіне өзгерістер мен толықтырулар енгізу мақсатында уәкілетті органға мыналарды ұсынады:

1) еркін нысанда жазылған өтініш;

2) исламдық қаржыландыру қағидаттары жөніндегі кеңеспен келісілген, қағаз тасымалдағышта қазақ және орыс тілдерінде екі данада жасалған, бірінші басшы, бас бухгалтер қол қойған және эмитенттің мөр бедерімен (бар болса) расталған исламдық бағалы қағаздар шығарылымының проспектісіне өзгерістер мен толықтырулар. Екі дананың әрқайсысында қазақ және орыс тілдеріндегі исламдық бағалы қағаздар шығарылымының проспектісіне өзгерістер мен толықтырулар қамтылады;

3) қаржылық есептіліксіз PDF форматындағы электрондық тасымалдағышта оған енгізілетін өзгерістер мен толықтырулар (қазақ және орыс тілдерінде) қамтылатын исламдық бағалы қағаздар шығарылымының проспектісі;

4) исламдық қатысу сертификаттарының (исламдық қатысу сертификаттарын шығару кезінде) санын ұлғайту қажеттілігінің негіздемесі қамтылатын исламдық бағалы қағаздар шығарылымының проспектісіне өзгерістер мен толықтырулар енгізілген эмитент органы шешімінің көшірмесі;

5) эмитенттің атауы, оның орналасқан жері өзгерген жағдайда, сондай-ақ исламдық қатысу сертификаттарының саны ұлғайған кезде исламдық бағалы қағаздардың шығарылымын мемлекеттік тіркеу туралы куәліктің түпнұсқасы;

6) исламдық бағалы қағаздар шығарылымының проспектісіне өзгерістер мен толықтырулар енгізу нәтижесінде исламдық бағалы қағаздарды ұстаушылардың құқықтары бұзылмайтындығы туралы эмитенттің жазбаша міндеттемесі;

7) эмитенттің (оригинатордың) орналасқан жері өзгерген жағдайда – жарғының көшірмесі.

5. Эмитент исламдық бағалы қағаздар шығарылымының проспектісіне өзгерістер мен толықтырулар енгізу үшін ұсынған құжаттар Қазақстан Республикасы заңнамасының талаптарына сәйкес келген жағдайда, уәкілетті орган:

1) исламдық бағалы қағаздар шығарылымының проспектісіне өзгерістер мен толықтыруларды тіркейді және эмитенттің атауы, оның орналасқан жері өзгерген жағдайда, сондай-ақ исламдық қатысу сертификаттарының саны ұлғайған кезде исламдық бағалы қағаздардың шығарылымын мемлекеттік тіркеу туралы куәлікті ауыстыруды жүзеге асырады;

2) уәкілетті органның олардың мемлекеттік тіркелгені туралы белгісі бар исламдық бағалы қағаздар шығарылымының проспектісіне өзгерістер мен толықтырулардың бір данасын эмитентке қайтарады.

6. Уәкілетті орган исламдық бағалы қағаздар шығарылымының проспектісіне өзгерістер мен толықтырулар енгізу үшін эмитент ұсынған құжаттарды осы Қағидалардың 4-тармағында көрсетілген құжаттарды беру күнінен бастап күнтізбелік он бес күн ішінде қарайды.

7. Эмитент исламдық бағалы қағаздарды орналастыру қорытындылары туралы есепті қарау үшін уәкілетті органға БҚР туралы заңның 23-бабының 1-тармағында белгіленген құжаттарды ұсынады. Исламдық бағалы қағаздарды орналастыру қорытындылары туралы есеп осы Қағидалардың 3-қосымшасына сәйкес нысан бойынша жасалады және қағаз тасымалдағышта екі данада және PDF форматында электрондық тасымалдағышта (қазақ және орыс тілдерінде) ұсынылады. Бұл ретте екі дананың әрқайсысында қазақ және орыс тілдеріндегі исламдық бағалы қағаздарды орналастыру қорытындылары туралы есеп қамтылады.

8. Исламдық бағалы қағаздарды орналастырудың есептік кезеңі жүйелі алты ай болады.

Исламдық бағалы қағаздар шығарылымының проспектісінде белгіленген исламдық бағалы қағаздарды орналастыру басталған күн орналастырудың бірінші есепті кезеңінің басталу күні болып табылады.

Алдыңғы есепті кезеңнің аяқталған күнінен кейінгі күн келесі есепті кезеңнің басталу күні болып табылады.

Барлық исламдық бағалы қағаздарды эмитенттің жеке шотынан эмитенттің исламдық бағалы қағаздарын ұстаушылар тізілімдерінің жүйесінде тіркелген тұлғалардың жеке шоттарында жарияланған бағалы қағаздарды есепке алу үшін есептен шығару жөніндегі соңғы операцияны жүргізу күні не исламдық бағалы қағаздар шығарылымының проспектісінде белгіленген исламдық бағалы қағаздарды орналастыру мерзімінің аяқталған күні исламдық бағалы қағаздарды орналастыруды аяқтау күні болып табылады.

Эмитент исламдық бағалы қағаздарды орналастыру қорытындылары туралы есепті орналастырудың есептік кезеңі аяқталған соң бір ай ішінде ұсынады. Бір мезгілде тіркеушіге уәкілетті органға исламдық бағалы қағаздарды орналастыру қорытындылары туралы есепті ұсыну туралы хабарлама жіберіледі.

9. Эмитент исламдық бағалы қағаздарды өтеу қорытындылары туралы есепті қарау үшін уәкілетті органға мынадай құжаттарды ұсынады:

1) исламдық бағалы қағаздарды өтеу қорытындылары туралы есепті қарау жөніндегі өтініш;

2) есепті айдың соңындағы немесе исламдық бағалы қағаздарды өтеуді аяқтау күнгі жағдай бойынша эмитенттің және оригинатордың қаржылық есептілігі;

3) Қағидаларға 3-қосымшаға талаптарға сәйкес жасалған және ресімделген исламдық бағалы қағаздарды өтеу қорытындылары туралы есеп;

4) эмитенттің исламдық бағалы қағаздарын ұстаушылардың тізілімін жабу туралы тіркеушінің хабарламасы;

5) эмитенттің (оригинатордың) исламдық бағалы қағаздарды өтеу жөніндегі өз міндеттемелерін орындауын растайтын төлем агентінің немесе эмитенттің хабарламасы (төлем агентімен шарт болмаған жағдайда).

10. Эмитент исламдық бағалы қағаздарды өтеу қорытындылары туралы есепті исламдық бағалы қағаздар шығарылымының проспектісінде белгіленген өтеу мерзімі аяқталғаннан кейін бір ай ішінде ұсынады.

11. Уәкілетті орган исламдық бағалы қағаздарды өтеу қорытындылары туралы есепті уәкілетті органға құжаттарды беру күнінен бастап күнтізбелік он төрт күн ішінде қарайды.

12. Эмитент исламдық бағалы қағаздарды орналастыру (өтеу) қорытындылары туралы есепті қарау үшін ұсынған құжаттар Қазақстан Республикасы заңнамасының талаптарына сәйкес келген жағдайда, уәкілетті орган:

1) исламдық бағалы қағаздарды орналастыру (өтеу) қорытындылары туралы есепті бекітеді және эмитентке Қағидаларға 4-қосымшаға сәйкес нысан бойынша исламдық бағалы қағаздарды орналастыру (өтеу) қорытындылары туралы есептің бекітілгені туралы хабарлама жібереді;

2) уәкілетті органның оның бекітілгені туралы белгісі бар исламдық бағалы қағаздарды орналастыру немесе өтеу қорытындылары туралы есептің бір данасын эмитентке қайтарады.

13. Егер исламдық бағалы қағаздарды орналастырудың есепті кезеңі басталған күннен бастап алты ай ішінде бір де бір исламдық бағалы қағазды орналастырмаған жағдайда, эмитент уәкілетті органға мыналарды ұсынады:

1) осы кезеңде исламдық бағалы қағаздарды орналастыру жүзеге асырылмағаны туралы мәліметтер қамтылатын жазбаша хабарлама;

2) исламдық бағалы қағаздарды орналастырудың есепті кезеңі аяқталған күнгі жарияланған бағалы қағаздарды есепке алу үшін эмитенттің жеке шотының жай-күйі туралы тіркеуші берген анықтаманың көшірмесі.

14. Уәкілетті орган эмитенттің құжаттары Қағидаларда белгіленген исламдық бағалы қағаздардың шығарылымын мемлекеттік тіркеуге құжаттарды ұсынудың талаптары мен тәртібіне сәйкес келген жағдайда болжанып отырған шығарылымның исламдық бағалы қағаздарына ұлттық сәйкестендіру нөмірін береді.

15. Уәкілетті органның жауапты қызметкері:

1) Қағидаларға сәйкес ұлттық сәйкестендіру нөмірін ретке келтіреді;

2) айналыста бар исламдық бағалы қағаздардың шығарылымына ұқсас ұлттық сәйкестендіру нөмірлерінің болмауын тексереді;

3) ұлттық сәйкестендіру нөмірін береді;

4) ұлттық сәйкестендіру нөмірі берілген исламдық бағалы қағаздардың шығарылымын мемлекеттік тіркеу туралы куәлікті қоса бере отырып, эмитентті ұлттық сәйкестендіру нөмірі берілгендігі туралы жазбаша хабардар етеді.

16. Исламдық бағалы қағаздарға ұлттық сәйкестендіру нөмірін беру үшін араб цифрлары мен латын алфавитінің қаріптері ("I" және "O" қаріптерін қоспағанда) жазба (тақырыптық) пайдаланылады.

17. Ұлттық сәйкестендіру нөмірі қандай да бір тыныс белгісімен бөлінбеген қатарынан он екі символдарды (солдан оңға қарай есептегенде) құрайды және мынадай үш бөліктен тұрады:

1) бірінші және екінші позицияларда орналасқан символдар, заңнамаға сәйкес эмитенттің исламдық бағалы қағаздардың шығарылымын шығарған елдің екі әріпті кодын білдіреді (Қазақстан Республикасы үшін "KZ" коды пайдаланылады);

2) үшінші, төртінші, бесінші, алтыншы, жетінші, сегізінші, тоғызыншы, оныншы және он бірінші позицияларда орналасқан символдар Қағидалардың 18, 19, 20, 21, 22 және 23-тармақтарына сәйкес есептелетін негізгі нөмір болып табылады;

3) он екінші позицияда орналасқан символ Қағидалардың 24-тармағына сәйкес есептелетін бақылаушы цифр болып табылады;

18. Үшінші позицияда орналасқан символ исламдық бағалы қағаздардың түрлерін білдіреді (исламдық жалдау сертификаттары үшін "3" символы пайдаланылады, ал исламдық қатысу сертификаттары үшін "4" символы пайдаланылады).

19. Төртінші позицияда орналасқан символ исламдық бағалы қағаздар эмитентінің мынадай ұйымдық-құқықтық нысанын білдіреді:

- 1) "C" символы – акционерлік қоғам;
- 2) "P" символы – жауапкершілігі шектеулі серіктестік.

20. Исламдық бағалы қағаздардың шығарылымын тіркеу кезінде бесінші позицияда орналасқан символ "0" цифрымен белгіленеді.

21. Алтыншы позицияда орналасқан символ исламдық бағалы қағаздардың айналыс мерзімінің мынадай өлшем бірлігін білдіреді (Қағидалардың 22-тармағының алтыншы бөлігінде белгіленген ерекшеліктер ескеріле отырып):

- 1) "Y" символы – жылдар;
- 2) "M" символы – айлар;
- 3) "W" символы – апталар;
- 4) "D" символы – күндер.

22. Жетінші және сегізінші позицияларда орналасқан символдар исламдық бағалы қағаздардың тиісті өлшем бірлігіндегі айналыс мерзімін білдіреді.

Егер айналыс мерзімі тиісті 10 өлшем бірлігінен кем болса, жетінші позицияда "0" (нөл) символы көрсетіледі.

Егер айналыс мерзімі өлшем бірлігінің бүтін емес саны болса, ол төмен тұрған өлшем бірліктеріне ауыстырылады. Бұл ретте айдың ұзақтығы 30 күнге тең деп алынады. Егер осылай аударым жасау нәтижесінде бөлшек сан немесе 99-дан асатын сан құралса, онда өлшем бірлігі өзгермейді, бүтін санға дейін дөңгелектенеді. Мысалы, 4,5 жыл 54 айға ауыстырылады ($4,5 \times 12 = 54$), 3,5 ай 4 айға ауыстырылады ($3,5 \times 30 = 105 > 99$).

Егер, қандай да бір өлшем бірліктеріндегі айналыс мерзімі мейлінше жоғары деңгейдегі өлшем бірлігінің бүтін санын құрайтын болса, ол жоғары тұрған өлшем бірлігіне ауыстырылады. Мысалы, 36 ай 3 жылға ауыстырылады.

Егер айналыс мерзімі тиісті 99 өлшем бірлігінен асатын болса, ол жоғары тұрған өлшем бірлігіне дөңгелектеніп, ауыстырылады. Бұл ретте айдың ұзақтығы 30 күнге тең деп алынады. Мысалы, 180 күн 6 айға ауыстырылады ($180: 30 = 6,00$), 115 күн төрт айға ауыстырылады ($115: 30 = 3,83$), 110 ай 9 жылға ауыстырылады ($110: 12 = 9,17$), 225 күн 8 айға ауыстырылады ($225: 30 = 7,5$).

Осы тармақтың үшінші, төртінші және бесінші бөліктеріне сәйкес исламдық бағалы қағаздардың айналыс мерзімінің өлшем бірліктерін өзгерту кезінде тиісінше алтыншы позицияда орналасқан символ өзгереді.

23. Тоғызыншы, оныншы және он бірінші позицияларда орналасқан символдар Эмиссиялық бағалы қағаздардың мемлекеттік тізіліміне енгізу кезінде берілген исламдық бағалы қағаздар шығарылымының нөмірін білдіреді.

24. Бақылау цифрі былайша есептеледі:

1) 1-адым – Қағидалардың 17, 18, 19, 20, 21, 22 және 23-тармақтарына сәйкес алғашқы он бір позиция толтырылады;

2) 2-адым – позицияларда орналасқан қаріптік символдар Қағидаларға 5-қосымшадағы қаріптік белгілерді сандарға ауыстыру кестесіне сәйкес сандармен ауыстырылады;

3) 3-адым – алынған сандық қатардың әрбір цифрі (оның оң шетінен бастағанда) тақ позициялардағы цифрлар үшін – "2", жұп позициялардағы цифрлар үшін – "1" коэффициентіне көбейтіледі;

4) 4-адым – 3-адымды орындау нәтижесінде алынған қатардың цифрлары қосылады;

5) 5-адым – егер 4-адымды орындау нәтижесінде алынған сома "0"-ге аяқталатын болса, онда бақылау цифрі "0" болады. Керісінше жағдайда 4-адымды орындау нәтижесінде алынған соманы шегеру нәтижесі осы сомадан асатын және он еселенгендердің барынша төменгісі болып табылатын қатарынан бақылау цифрі болып табылады.

25. Исламдық бағалы қағаздарға ұлттық сәйкестендіру нөмірін беру мысалы осы Қағидалардың 6-қосымшасында келтірілген.

26. Қағидаларға сәйкес эмитент (оригинатор) уәкілетті органға электронды және қағаз тасымалдағыштармен ұсынған құжаттар мазмұнының сәйкестігін қамтамасыз етеді.

27. Эмитент (оригинатор) уәкілетті органға ұсынған құжаттар көшірмесі бірінші басшының (не оның орнындағы адамның) қолымен және эмитенттің (оригинатордың) мөр бедерімен (бар болса) расталады.

Құжаттардың беттері көп болған жағдайда әрбір парақ не құжат расталады және әрбір парақ не құжат тігіледі және тігілген жиекке және ішінара қағазға желімделіп, қағаз пломбамен бекітіледі. Бірінші басшының (не оның орнындағы адамның) қолы және мөр бедері (бар болса) ішінара қағаз пломбаға, ішінара құжат парағына қойылуы тиіс.

28. Эмитент исламдық бағалы қағаздардың шығарылымын жою үшін уәкілетті органға мынадай құжаттарды:

1) еркін нысанда жазылған өтініші;

2) исламдық бағалы қағаздардың шығарылымын жою туралы шешімін қабылдаған эмитентінің органы шешімінің көшірмесі;

3) исламдық бағалы қағаздарды шығарылымын, уәкілетті органның тіркеу туралы белгісімен бағалы қағаздар шығарылымының проспектісін мемлекеттік тіркеу туралы куәліктің түпнұсқалары;

4) егер осы шығарылымның ешбір исламдық бағалы қағазы орналастырылмаған осы шығарылымның барлық исламдық бағалы қағаздарды бағалы қағаздардың қайталама нарығында эмитент сатып алған жағдайда, жою туралы шешім қабылданған күніне исламдық бағалы қағаздары ұстаушылардың болмағаны туралы тіркеушінің хабарламасы;

5) олардың қолданылу өткен жағдайда осы шығарылымының барлық исламдық бағалы қағаздары бойынша талап ету құқығын сатып алуды растайтын құжатты ұсынады.

Қаржы ұйымдарын қайта құрылымдау рәсімдерін жүзеге асырған кезде эмитент осы тармақтың бірінші бөлігінің 1), 2) және 3) тармақшаларында көрсетілген құжаттарға қосымша, сот бекіткен қайта құрылымдау жоспарының көшірмелерін қоса бере отырып, эмитентті қайта құрылымдау жүргізу туралы сот шешімінің көшірмесін ұсынады.

Мәжбүрлеп тәртіппен таратылатын эмитенттің тарату комиссиясы осы тармақтың бірінші бөлігінің 1), 2) және 3) тармақшаларында көрсетілген құжаттарға қосымша тарату процессінің аяқталуын растайтын құжаттарды (тарату балансының көшірмесін) ұсынады.

29. Қағидалардың 28-тармағының бірінші бөлігінің 3) тармақшасында атап өтілген құжаттар жоғалған жағдайда, эмитент уәкілетті органға бұқаралық ақпарат құралдарында (мерзімді баспасөз басылымы және интернет-ресурстарды қоса алғанда, бұқаралық ақпаратты таратудың басқа да нысаны) жарияланған жоғалған құжаттардың жарамсыздығы туралы хабарламаның көшірмесін ұсынады.

30. Эмитент уәкілетті органға исламдық бағалы қағаздардың шығарылымын жоюға ұсынған құжаттар оларды алған күннен бастап күнтізбелік он төрт күн ішінде қаралады.

31. Эмитент исламдық бағалы қағаздардың шығарылымын жоюға ұсынған құжаттардың Қазақстан Республикасының заңнамасының және Қағидалардың талаптарына сәйкес келген жағдайда, уәкілетті орган исламдық бағалы қағаздардың шығарылымын жояды және эмитентке Қағидаларға 7-қосымшаға сәйкес нысан бойынша исламдық бағалы қағаздардың шығарылымын жою жөніндегі куәлікті жібереді. Исламдық бағалы қағаздардың шығарылымын жою жөніндегі қабылданған шешімді уәкілетті орган тіркеушіге және орталық депозитарийге жібереді.

32. Исламдық бағалы қағаздардың шығарылымы исламдық бағалы қағаздардың шығарылымын жою жөніндегі хабарламада көрсетілген күннен бастап, бірақ уәкілетті орган исламдық бағалы қағаздардың шығарылымын жою жөніндегі шешімді қабылдаған күннен бастап күнтізбелік он күннен кешіктірмей жойылады.

Исламдық бағалы қағаздарды
шығару, айналысқа жіберу мен өтеу
және оларды мемлекеттік тіркеу,
орналастыру және өтеу қорытындылары
туралы есептерді қарау және
исламдық бағалы қағаздар
шығарылымының
күшін жою қағидаларына
1-қосымша

Нысан

Исламдық бағалы қағаздар шығарылымын мемлекеттік тіркеу туралы куәлік

20 ____ жылығы " ____ " _____ қаласы № _____
Қазақстан Республикасының Ұлттық Банкі

(тіркеу нөмірі және күні) тіркелген

(эмитенттің атауы және мекенжайы)

(исламдық бағалы қағаздардың түрі көрсетіледі)

шығарылымды мемлекеттік тіркеуге алды.

Шығарылым

(исламдық бағалы қағаздары саны цифрмен және жазбаша)

бөлінді әрі оларға ұлттық сәйкестендіру

нөмірі берілді.

Бір _____

(исламдық бағалы қағаздардың түрі және құны цифрмен және жазбаша)

номиналдық құны _____ теңге.

Шығарылымының көлемі _____

(исламдық бағалы қағаздардың түрі көрсетіледі)

теңге

(шығарылатын исламдық бағалы қағаздардың жиынтық номиналды құны

цифрмен және жазбаша)

Шығарылым _____

нөмірімен

Эмиссиялық бағалы қағаздардың мемлекеттік тізіліміне енгізілді.

Шығарылым туралы қосымша ақпарат: _____

Куәлікке қол қойған адамның тегі, аты, әкесінің аты (бар болса) және лауазымы, қолы, мөрі

Исламдық бағалы қағаздарды шығару, айналысқа жіберу мен өтеу және оларды мемлекеттік тіркеу, орналастыру және өтеу қорытындылары туралы есептерді қарау және исламдық бағалы қағаздар шығарылымының күшін жою қағидаларына
2-қосымша

Нысан

Исламдық бағалы қағаздарды орналастыру қорытындылары туралы ЕСЕП

1. Эмитенттің атауы және оның орналасқан жері.
2. Эмитентті және оригинаторды мемлекеттік тіркеу (қайта тіркеу) туралы мәліметтер.
Осы тармақта эмитентті және оригинаторды мемлекеттік тіркеу (қайта тіркеу) туралы анықтаманың немесе куәліктің күні және нөмірі, сондай-ақ олардың мемлекеттік тіркеуін (қайта тіркеуін) жүзеге асырған органның атауы көрсетіледі.
3. Исламдық бағалы қағаздары шығарылымын мемлекеттік тіркеу күні және исламдық бағалы қағаздардың шығарылымы нөмірі.
4. Исламдық бағалы қағаздары туралы мәліметтер: жалпы саны, түрі, номиналдық құны.
5. Исламдық бағалы қағаздарды орналастыру туралы мәліметтер:
 - 1) исламдық бағалы қағаздарды орналастыру қорытындылары туралы алдыңғы есепті (есептерді) бекіту күні;
 - 2) есеп ұсынылатын кезеңдегі орналастырудың басталу күні және аяқталу күні;

3) айналыс кезеңінің басталу күні және аяқталу күні;

4) ұйымдастырылмаған бағалы қағаздар нарығындағы жазылу жолымен орналастырылған исламдық бағалы қағаздардың саны және тартылған ақша сомасы. Исламдық бағалы қағаздарды аукцион өткізу жолымен орналастырған жағдайда олардың өткен күнін және аукциондағы ең жоғарғы сату бағасын көрсету керек;

5) бағалы қағаздардың ұйымдастырылған нарығында исламдық бағалы қағаздарды орналастыру туралы ақпарат (сауда-саттықты ұйымдастырушылар тізімінің санаты, исламдық бағалы қағаздарды орналастыру аяқталған күнге исламдық бағалы қағаздардың нарықтық құны, сауда-саттықтағы ең жоғарғы баға және бірінші және соңғы сауда-саттық күні, орналастырылған исламдық бағалы қағаздардың саны және тартылған ақша сомасы);

6) есепті кезеңдегі орналастырылған исламдық бағалы қағаздардың және олардың орналастыру басталған күнінен бастап бұрын орналастырылған исламдық бағалы қағаздарды ескере отырып, барлығының саны;

7) есепті кезең аяқталған күнге сатып алынған исламдық бағалы қағаздардың саны, сатып алу жөнінде шешім қабылданған күн, сондай-ақ эмитент немесе оригинатор оларды сатып алған кезде келген шығындар;

8) исламдық бағалы қағаздар шығарылымының андеррайтерлері (эмиссиялық консорциумдар) туралы ақпарат. Осы тармақта мынадай ақпаратты көрсету керек :

бағалы қағаздар нарығының кәсіби қатысушысының атауы, эмитентпен жасалған андеррайтер қызметін көрсету жөніндегі шарттың күні мен нөмірі, сондай-ақ эмиссиялық консорциум қатысушылары туралы;

андеррайтерлерге немесе орналастырудың басқа қатысушыларына, өкілдерге төленген (төленуі тиіс) орналастырудың жалпы көлемінің пайызға шаққандағы дисконт және комиссия, әрбір орналастырылған исламдық бағалы қағаздардың дисконты және комиссиясы көлемі туралы және шығыстар туралы басқа да мәліметтер;

андеррайтерлерді тартпай орналастырылған исламдық бағалы қағаздардың саны және орналастырудың одан әрі жоспарлары туралы;

9) меншік иелерінің санаттары бойынша исламдық бағалы қағаздардың меншік иелерінің саны туралы мәліметтер:

жоғарыда аталған әр санаттағы тұлғалардың меншігіне тиесілі исламдық бағалы қағаздардың санын және түрін көрсете отырып, зейнетақы қорлары, сақтандыру компаниялары, екінші деңгейдегі банктер, банк операцияларының жекелеген түрлерін жүзеге асыратын ұйымдар, брокер-дилерлер және өзге де меншік иелері;

10) орналастырылмаған исламдық бағалы қағаздардың саны;

11) тиісті шарттарды жасау күні мен нөмірі көрсетілген оригинатордың атауы мен орналасқан жері;

12) есепті кезеңнің аяқталу күніне уақытша бос ақшаны инвестициялаудан алынған ақша сомасы.

6. Бұқаралық ақпарат құралдарының атауы және исламдық бағалы қағаздар шығарылымы туралы ақпараттық хабар жарияланған күн.

7. Исламдық бағалы қағаздар бойынша кіріс төлеу туралы мәліметтер:

1) есепті кезең ішінде исламдық бағалы қағаздар бойынша исламдық бағалы қағаздарды ұстаушыларға төленген кіріс мөлшері;

2) исламдық бағалы қағаздар бойынша исламдық бағалы қағаздарды ұстаушыларға төлемнің кезеңділігі және мерзімі;

3) исламдық бағалы қағаздар бойынша кіріс төлеу кезіндегі есеп айырысу тәртібі (есеп айырысу нысаны: қолма-қол, қолма-қол жасалмайтын);

4) есепті кезең ішінде исламдық бағалы қағаздарды орналастырудан сатып алынған мүлік бойынша алынған кірістің жалпы сомасы;

5) эмитенттің бөлінген активтері құрамында резервтік қорды құру және одан әрі қалыптастыруға бағытталған ақша сомасы, сондай-ақ есепті кезеңдегі резервтік қордың қаражатын пайдалану туралы мәліметтер;

6) есепті кезең ішінде бөлінген активтерді сенімгерлік басқарушыға (оригинаторға) төленген комиссиялық сыйақы мөлшері;

7) есепті кезең ішінде эмитент пен оригинатор инвестициялық жоба бойынша (исламдық қатысу сертификаттарын шығару кезінде) алған ақша сомасы (эмитент және оригинатор үшін жеке көрсетіледі).

Есепке эмитенттің бірінші басшысы, бас бухгалтері немесе олардың орнындағы адамдар қол қояды және эмитенттің мөрінің бедерімен (бар болса) расталады. Есептің әрбір данасы орналастырылған исламдық бағалы қағаздардың саны туралы меншік иелерінің санаты бойынша бөлігінде тіркеуші берген анықтаманың көшірмесімен, есепті айдың соңындағы жағдай бойынша немесе исламдық бағалы қағаздарды орналастыру аяқталған күнгі қаржылық есеппен бірге тігіледі және тігістің түйініне және жартылай параққа желімделген қағаз пломбамен бекітіледі. Мөрдің бедері (бар болса) жартылай қағаз пломбаға, жартылай құжаттың парағына басылады және бірінші басшының немесе оның орнындағы адамның қолымен куәландырылады.

Исламдық бағалы қағаздарды
шығару, айналысқа жіберу мен өтеу
және оларды мемлекеттік тіркеу,
орналастыру және өтеу қорытындылары
туралы есептерді қарау және
исламдық бағалы қағаздар

Нысан

Исламдық бағалы қағаздарды өтеу қорытындылары туралы ЕСЕП

1. Эмитенттің және оригинатордың атауы.

2. Эмитентті және оригинаторды мемлекеттік тіркеу (қайта тіркеу) туралы мәліметтер.

Осы тармақта эмитентті және оригинаторды мемлекеттік тіркеу (қайта тіркеу) туралы анықтаманың немесе куәліктің күні және нөмірі, сондай-ақ олардың мемлекеттік тіркеуін (қайта тіркеуін) жүзеге асырған органның атауы көрсетіледі

3. Эмитенттің және оригинатордың орналасқан жері.

4. Исламдық бағалы қағаздардың шығарылымы мемлекеттік тіркелген күн және шығарылым нөмірі.

5. Исламдық бағалы қағаздарды орналастыру қорытындылары туралы есеп (есептер) бекітілген күн.

6. Исламдық бағалы қағаздарды өтеу туралы мәліметтер:

1) исламдық бағалы қағаздар өтелген күні;

2) оригинатордың эмитентке мерзімінен бұрын өтеудің негіздемелерін және исламдық бағалы қағаздарды өтеу үшін аударған ақша сомасын көрсетіп, мерзімінен бұрын өтелген исламдық бағалы қағаздардың саны туралы мәліметтер;

3) исламдық бағалы қағаздарды өтеу үшін резервтік қордан тартылған ақша сомасы.

7. Исламдық бағалы қағаздар бойынша төленген кірістің жиынтық мөлшері және өтеу сомасы. Осы тармақта есеп айырысу толығымен келтіріледі.

Исламдық бағалы қағаздарды өтеу қорытындылары туралы есеп есепті айдың соңындағы жағдай бойынша немесе исламдық бағалы қағаздарды өтеу аяқталған күнгі эмитенттің және оригинатордың қаржылық есеппен бірге қоса тігіледі, оған бірінші басшы, бас бухгалтер не олардың орындарындағы адамдар, исламдық бағалы қағаздарды ұстаушылар өкілі атынан уәкілетті тұлға қол қояды және эмитенттің мөрінің бедерімен (бар болса) расталады.

Исламдық бағалы қағаздарды
шығару, айналысқа жіберу мен өтеу
және оларды мемлекеттік тіркеу,
орналастыру және өтеу қорытындылары
туралы есептерді қарау және
исламдық бағалы қағаздар

Нысан

**Исламдық бағалы қағаздарды орналастыру (өтеу) қорытындылары
туралы есепті бекіту туралы хабарлама**

20 ____ жылғы " ____ " _____ қаласы № ____
Қазақстан Республикасының Ұлттық Банкі

(тіркеу нөмірі және күні)
тіркелген _____

(эмитенттің атауы және мекенжайы)

(исламдық бағалы қағаздардың түрі көрсетіледі)
орналастыру (өтеу) қорытындылары туралы есепті бекітті.
Шығарылым

нөмірімен
Эмиссиялық бағалы қағаздардың мемлекеттік тізіліміне енгізілді.
Шығарылым номиналдық құны _____

_____ теңгеде
(номиналды құнының мөлшері цифрмен және жазбаша)

(исламдық бағалы қағаздардың түрі, саны цифрмен және жазбаша)
бөлінді.

_____ жағдай
бойынша

(исламдық бағалы қағаздарды орналастыру (өтеу) аяқталған күні, айы,
жылы)
Орналастырылғандардың (өтелгендердің) _____

орналастырылмағандардың _____

Шығарылым туралы қосымша ақпарат: _____

Хабарламаға қол қойған адамның тегі, аты, әкесінің аты (бар болса) және атқаратын лауазымы, қолы, мөрі

Исламдық бағалы қағаздарды шығару, айналысқа жіберу мен өтеу және оларды мемлекеттік тіркеу, орналастыру және өтеу қорытындылары туралы есептерді қарау және исламдық бағалы қағаздар шығарылымының күшін жою қағидаларына 5-қосымша

Қаріптік белгілерді сандарға ауыстыру кестесі

A	10	F	15	L	20	R	25	W	30
B	11	G	16	M	21	S	26	X	31
C	12	H	17	N	22	T	27	Y	32
D	13	J	18	P	23	U	28	Z	33
E	14	K	19	Q	24	V	29		

Исламдық бағалы қағаздарды шығару, айналысқа жіберу мен өтеу және оларды мемлекеттік тіркеу, орналастыру және өтеу қорытындылары туралы есептерді қарау және исламдық бағалы қағаздар шығарылымының күшін жою қағидаларына 6-қосымша

Исламдық бағалы қағаздарға ұлттық сәйкестендіру нөмірін берудің мысалдары

Берілді (мысалдың шарты):

Акционерлік қоғам исламдық жалдау сертификаттары шығарылымын 4,5 жыл айналыс мерзімімен жүзеге асырады. Исламдық бағалы қағаздардың осы шығарылымы А58 нөмірімен Эмиссиялық бағалы қағаздардың мемлекеттік тізіліміне енгізілген.

1-қадам:

--	--	--

Позициялар нөмірі	Белгілер	Түсініктемелер
1-2	KZ	Эмитент елінің таңбалануы (осы Қағидалардың 18-тармағының 1) тармақшасы)
3	3	Исламдық бағалы қағаздар түрінің таңбалануы (осы Қағидалардың 19-тармағы)
4	C	Эмитент ұйымдық-құқықтық нысанының таңбалануы (осы Қағидалардың 20-тармағы және мысал шарты)
5	0	Исламдық бағалы қағаздар шығарылымын тіркеу кезінде бесінші позицияда орналасқан белгі "0" цифрымен таңбалады (осы Қағидалардың 21-тармағы және мысал шарты)
6	M	Айналыс мерзімі өлшем бірлігінің таңбалануы: осы шығарылымдағы исламдық бағалы қағаздардың айналыс мерзімі жылдармен (4,5 жыл) өлшенеді. Алайда осы мерзім толық емес жыл санын беретіндіктен, ол төменде тұрған өлшем бірлігі – айларға ауыстырылады ($4,5 \times 12 = 54$). Аударым жасау кезінде 99-дан аспайтын бүтін сан пайда болғандықтан, өлшем бірлігін өзгертуге тура келеді (осы Қағидалардың 22 және 23-тармақтары және мысал шарты)
7-8	54	Исламдық бағалы қағаздардың айналыс мерзімін таңбалау (осы Қағидалардың 24-тармағы және мысал шарты)
9-11	A58	Исламдық бағалы қағаздар шығарылымының нөмірін таңбалау (осы Қағидалардың 25-тармағы және мысал шарты)

Нәтижесінде исламдық бағалы қағаздардың ұлттық сәйкестендіру нөмірі (он екінші позициядағы бақылау цифрынсыз) былайша көрініс береді:

K	Z	3	C	0	M	5	4	A	5	8
---	---	---	---	---	---	---	---	---	---	---

2-қадам:

Осы Қағидалардың 5-қосымшасына сәйкес қаріптік белгілерді сандармен ауыстыру:

1	9	3	3	3	1	2	0	2	1	5	4	1	0	5	8
---	---	---	---	---	---	---	---	---	---	---	---	---	---	---	---

3-қадам:

Сандық қатардан алынған цифрды (оның оң қанатынан бастап) "2" коэффициентке көбейту – тақ позициялардағы цифрлар үшін, "1" – жұп позициялардағы цифрлар үшін:
сандық қатар (3-қадамның орындалу нәтижесі):

1	9	3	3	3	1	2	0	2	1	5	4	1	0	5	8
---	---	---	---	---	---	---	---	---	---	---	---	---	---	---	---

көбейту коэффициенттері:

1	2	1	2	1	2	1	2	1	2	1	2	1	2	1	2
---	---	---	---	---	---	---	---	---	---	---	---	---	---	---	---

көбейту нәтижесі:

1	1	8	3	6	3	2	2	0	2	2	5	8	1	0	5	1	6
---	---	---	---	---	---	---	---	---	---	---	---	---	---	---	---	---	---

4-қадам:

3-қадамды орындау нәтижесінде алынған қатардың цифрын жинақтау:

$$1 + 1 + 8 + 3 + 6 + 3 + 2 + 2 + 0 + 2 + 2 + 5 + 8 + 1 + 0 + 5 + 1 + 6 = 56$$

5-қадам:

4-қадамды орындау нәтижесінде алынған сома "0"-ге

аяқтамайтындықтан, осы сомадан асатын сан анықталады және он еседен кем болып табылады. 56 сомасы үшін осындай сан 60 болып табылады.

Тиісінше бақылау цифры 4 (60 – 56) тең.

Осы исламдық бағалы қағаздар шығарылымының толық ұлттық сәйкестендіру нөмірі мынаған тең:

К	З	3	С	0	М	5	4	А	5	8	4
---	---	---	---	---	---	---	---	---	---	---	---

Исламдық бағалы қағаздарды
шығару, айналысқа жіберу мен өтеу
және оларды мемлекеттік тіркеу,
орналастыру және өтеу қорытындылары
туралы есептерді қарау және
исламдық бағалы қағаздар шығарылымының
күшін жою қағидаларына

7-қосымша

Нысан

Исламдық бағалы қағаздар шығарылымының күшін жою туралы куәлік

20__ жылғы "____" _____ № _____ қаласы

Қазақстан Республикасының Ұлттық Банкі

(заңды тұлғаны мемлекеттік тіркеу (қайта тексеру) туралы
анықтама немесе куәлік берген органның атауы, берілген күні, айы,
жылы және нөмірі)

(тіркелген (қайта тіркелген) заңды тұлғаны мемлекеттік тіркеу
(қайта тіркеу) туралы анықтамаға немесе куәлікке сәйкес эмитенттің
атауы және мекенжайы)

исламдық бағалы қағаздар шығарылымының күшін жойды.

Шығарылым

тіркелген

(күні, айы, жылы)

және Эмиссиялық бағалы қағаздардың мемлекеттік тізіліміне

нөмірімен енгізілген.

Шығарылым _____

(санын цифрмен және жазбаша, түрі)

исламдық бағалы қағаздарына бөлінген.

Исламдық бағалы қағаздар шығарылымының

күні (күні/айы/жылы)

_____ байланысты күші

жойылды.

Куәлікке қол қойған тұлғаның тегі, аты, әкесінің

аты (бар болса) және лауазымы, қолы, мөрі

Қазақстан Республикасы

Ұлттық Банкі Басқармасының

2015 жылғы 19 желтоқсандағы

№ 251 қаулысына

2-қосымша

Исламдық бағалы қағаздардың шығарылымы проспектісіне қойылатын талаптар

1. Осы Исламдық бағалы қағаздардың шығарылымы проспектісіне қойылатын талаптар (бұдан әрі – Талаптар) "Бағалы қағаздар рыногы туралы" 2003 жылғы 2 шілдедегі Қазақстан Республикасы Заңының (бұдан әрі – БҚР туралы заң) 9-бабына сәйкес әзірленген.

2. Исламдық бағалы қағаздар шығарылымы проспектісі Талаптардың қосымшасына сәйкес нысан бойынша қағаз тасымалдағышта және PDF форматында электрондық тасымалдағышта қазақ және орыс тілдерінде (эмитенттің қаржылық есептілігін қоспағанда) екі данада жасалады. Екі дананың әр қайсысында қазақ және орыс тілдеріндегі исламдық бағалы қағаздар шығарылымының проспектісі бар.

Исламдық бағалы қағаздар шығарылымы проспектісіндегі мәліметтер, исламдық бағалы қағаздар шығарылымын мемлекеттік тіркеу үшін құжаттарды

берер алдындағы соңғы тоқсанның аяғындағы жағдай бойынша қаржылық есептілікке сәйкес көрсетілетін эмитенттің қаржылық жай-күйі туралы ақпаратты қоспағанда (Талаптардың қосымшасына сәйкес нысанда көрсетілген), уәкілетті органға құжаттарды ұсыну күнінің алдындағы айдың соңғы күніне келтіріледі.

3. Исламдық бағалы қағаздар шығарылымының ажырамас бөлігі болып табылады:

1) аудиторлық есептермен расталған соңғы екі қаржы жылының ішінде эмитенттің жылдық қаржылық есептілігінің көшірмелері, сондай-ақ аудиторлық есептердің және эмитенттің есеп саясатының көшірмелері (жаңадан құрылған эмитенттерін қоспағанда);

2) эмиссиялық бағалы қағаздар шығарылымын мемлекеттік тіркеуге құжаттарды беру алдындағы соңғы тоқсан аяғындағы жағдай бойынша эмитенттің қаржылық есептілігінің көшірмелері.

Ағымдағы жылғы 1 қаңтардан бастап 1 маусымға дейінгі кезеңде аяқталған қаржы жылы үшін қаржылық есептіліктің аудиторлық есебі болмаған жағдайда эмитент уәкілетті органға соңғы аяқталған қаржы жылының алдындағы екі жыл үшін қаржылық есептілікті және көрсетілген кезеңге қаржылық есептіліктің аудиторлық есебін ұсынады.

4. Исламдық бағалы қағаздарды шығару, айналысқа жіберу және өтеу талаптары исламдық бағалы қағаздардың шығарылымы проспектісінде белгіленеді.

5. Исламдық жалдау сертификаттарының шығарылымы проспектісіне енгізілетін өзгерістер мен толықтырулар алғашқы тіркелген исламдық жалдау сертификаттарының санын ұлғайту мүмкіндігін көздемейді.

Исламдық бағалы қағаздар шығарылымы
проспектісіне қойылатын талаптарға
қосымша

Нысан

Исламдық бағалы қағаздар шығарылымы проспектісі

1. Исламдық бағалы қағаздар шығарылымы проспектісінің бірінші бетінің парағында:

- 1) құжаттың атауы: "Исламдық бағалы қағаздар шығарылымы проспектісі";
- 2) эмитенттің толық және қысқартылған атауы;
- 3) тіркелген исламдық бағалы қағаздардың түрі және саны;
- 4) исламдық қаржыландыру принциптері жөніндегі кеңестің атауын және келісу күнін көрсете отырып, исламдық қаржыландыру принциптері жөніндегі кеңеспен проспектіні келісу туралы мәліметтер;

5) "Уәкілетті органның исламдық бағалы қағаздар шығарылымын мемлекеттік тіркеу проспектіде сипатталған исламдық бағалы қағаздарды сатып алуға қатысты инвесторларға қандай да бір ұсыным беруді білдірмейді. Исламдық бағалы қағаздар шығарылымын мемлекеттік тіркеуді жүзеге асыратын уәкілетті орган осы құжаттағы ақпараттың дәйектілігі үшін жауап бермейді. Исламдық бағалы қағаздар шығарылымы проспектісі Қазақстан Республикасы заңнамасының талаптарына сәйкес келуіне ғана қаралады. Эмитенттің лауазымды тұлғалары осы проспектідегі ақпараттың дәйектілігі үшін жауап береді және ондағы барлық ақпарат дәйекті болып табылатынын және эмитентке және оның исламдық бағалы қағаздарына қатысты инвесторларды жаңылыстырмайтынын растайды" деген жазба".

2. Исламдық бағалы қағаздар шығарылымы проспектісінің мәтіні мыналарды қамтиды:

1. Эмитент және оригинатор туралы жалпы мәліметтер:

1. Эмитенттің және оригинатордың атауы.

Осы тармақта эмитенттің және оригинатордың толық және қысқаша атауын көрсету қажет.

Егер эмитенттің және оригинатордың жарғыларында оның толық және қысқаша атауы шет тілінде көзделген болса, онда осындай атауды қосымша көрсету қажет.

Эмитенттің және оригинатордың атауы өзгерген жағдайда олардың осының алдындағы барлық толық және қысқарған атауларын, сондай-ақ олардың өзгертілген күнін көрсету керек.

2. Эмитентті және оригинаторды мемлекеттік тіркеу (қайта тіркеу) туралы мәліметтер.

Осы тармақта эмитентті және оригинаторды мемлекеттік тіркеу (қайта тіркеу) туралы анықтамалардың немесе куәліктердің күнін және нөмірін, сондай-ақ оларды мемлекеттік тіркеуді (қайта тіркеуді) жүзеге асырған органның атауын көрсету қажет.

3. Эмитенттің және оригинатордың орналасқан жері, байланыс телефондарының және факсының нөмірлері, электрондық почтасының мекенжайы туралы ақпарат.

4. Эмитенттің және оригинатордың банктік деректемелері.

5. Эмитенттің және оригинатордың қызметінің түрлері.

6. Эмитентке және оригинаторға немесе олар шығарған бағалы қағаздарға халықаралық рейтингілік агенттіктері және (немесе) Қазақстан Республикасының рейтингілік агенттіктері берген рейтингтердің болуы туралы мәліметтер.

7. Эмитенттің және оригинатордың барлық филиалдары мен өкілдіктерінің атаулары, тіркелген күндері, орналасқан жерлері және почталық мекенжайлары.

8. Эмитенттің және оригинатордың соңғы аяқталған үш қаржы жылына қаржылық есептілігінің аудитін жүзеге асырған аудиторлық ұйымдардың (аудитордың тегі, аты, әкесінің аты (бар болса)), олардың тиісті алқаларға (қауымдастықтарға, палаталарға) тиістілігін көрсете отырып, толық ресми атауы.

Проспектіні уәкілетті органға ұсыну алдындағы үш жыл ішінде тиісті қызметтер көрсету шарттары жасалған заң және қаржылық мәселелер бойынша кеңесшілердің, олардың тиісті алқаларға (қауымдастықтарға, палаталарға) тиістілігін көрсете отырып, толық ресми атауы.

Егер жоғарыда аталған тұлғалармен шартты бұзу орын алған жағдайда, оған қай тарап бастамашы болғаны туралы ақпаратты көрсете отырып, шарттың бұзылу себебі туралы ақпарат ұсынылуы тиіс.

9. Эмитенттің корпоративтік басқару кодексін қабылдаған күні (оны қабылдау эмитенттің жарғысында көзделген жағдайда).

2. Эмитенттің органдары

10. Эмитент органдарының құрылымы.

Осы тармақта эмитент органдарының құрылымы және олардың Қазақстан Республикасының заңнамасына, эмитенттің жарғысына және ішкі құжаттарына сәйкес құзыреті көрсетіледі.

11. Эмитенттің директорлар кеңесі (бақылау кеңесі).

Осы тармақта:

1) директорлар кеңесінің (бақылау кеңесінің) әрбір мүшелерінің, оның ішінде директорлар кеңесі (бақылау кеңесі) төрағасының тегі, аты, әкесінің аты (бар болса), туған жылы және осы тұлғалардың эмитент лауазымына кірісу күні;

2) директорлар кеңесінің тәуелсіз мүшелерінің тегі, аты, әкесінің аты (бар болса), туған жылы және осы тұлғалардың лауазымдарына кірісу күні;

3) эмитенттің директорлар кеңесінің (бақылау кеңесінің) әрбір мүшелерінің хронологиялық тәртіппен соңғы үш жылда және қазіргі уақытта атқарған, оның ішінде қоса атқарған қызметтері;

4) эмитенттің директорлар кеңесінің (бақылау кеңесінің) әрбір мүшелерінің қатысу үлестерін көрсете отырып, эмитенттің және оның еншілес және тәуелді ұйымдарының жарғылық капиталына қатысуы (акциялары және (немесе) қатысу үлестері);

5) өткен екі жыл ішіндегі директорлар кеңесінің (бақылау кеңесінің) құрамындағы өзгеріс көрсетіледі.

12. Эмитенттің директорлар кеңесінің комитеттері (осындай болған кезде).

Осы тармақта эмитенттің директорлар кеңесі комитетінің (комитеттерінің) атауын (атауларын), оның (олардың) құзыретін, эмитенттің директорлар кеңесі комитетінің (комитеттерінің) әрбір мүшелерінің тегін, атын, әкесінің атын (бар болса) және туған жылын және осы тұлғалардың лауазымдарына кірісу күнін көрсету қажет.

13. Ішкі аудит қызметі (бар болса).

Осы тармақта қоғамның ішкі аудит қызметі басшысының тегін, атын, әкесінің атын (бар болса) және туған жылын және осы тұлғаның лауазымына кірісу күнін көрсету қажет.

14. Эмитенттің атқарушы органы.

Осы тармақта:

1) эмитенттің жеке дара атқарушы органының функцияларын жүзеге асыратын тұлғаның тегі, аты, әкесінің аты (бар болса) және туған жылы не эмитенттің алқалы атқарушы органының әрбір мүшелерінің тегі, аты, әкесінің аты (бар болса) және туған жылы;

2) эмитенттің жеке дара атқарушы органының функцияларын жүзеге асыратын тұлғаның не эмитенттің алқалы атқарушы органының әрбір мүшелерінің хронологиялық тәртіппен соңғы үш жылда және қазіргі уақытта атқарған, оның ішінде қоса атқарған қызметтері;

3) эмитенттің жеке дара атқарушы органының функцияларын жүзеге асыратын тұлғаның не эмитенттің алқалы атқарушы органының әрбір мүшелерінің қатысу үлестерін көрсете отырып, эмитенттің және ұйымдардың төленген жарғылық капиталына қатысуы көрсетіледі.

15. Эмитенттің атқарушы органының өкілеттіктері басқа коммерциялық ұйымға (басқарушы ұйымға) берілген болса, осы тармақта:

1) басқарушы ұйымның толық және қысқартылған атауы;

2) осы ұйымның жеке дара атқарушы органының функцияларын жүзеге асыратын тұлғаның тегін, атын, әкесінің атын (бар болса) және туған жылын не оның алқалы атқарушы органы мүшелерінің және оның директорлар кеңесі (бақылау кеңесі) мүшелерінің тегін, атын, әкесінің атын (бар болса) және туған жылын;

3) осы тармақтың 2) тармақшасында аталған тұлғалардың өкілеттіктерін көрсете отырып, хронологиялық тәртіппен соңғы екі жылда атқарған, оның ішінде қоса атқарған барлық қызметтерін;

4) осы тармақтың 2) тармақшасында аталған тұлғалардың эмитенттің, оның еншілес ұйымдарының және басқарушы ұйымдардың, оның ішінде тәуелді акционерлік қоғамында төленген жарғылық капиталына қатысуын (акцияларын және (немесе) қатысу үлестерін) көрсету қажет.

Акционерлік қоғамдар осы тармақты толтырмайды.

16. Директорлар кеңесінің мүшелеріне, эмитенттің атқарушы органының мүшелеріне және басқа басқарушы тұлғаларына төленетін сыйақылар.

Талапта осы қосымшаның 11, 12 және 14-тармақтарында көрсетілген тұлғаларға облигациялар шығару туралы шешім қабылданған күннің алдындағы соңғы үш айда төленген сыйақының (ақшалай, бағалы қағаздармен немесе қандай да болмасын басқа нысанда) жалпы мөлшері, сондай-ақ аталған тұлғаларға облигациялар шығару туралы шешім қабылданған күннен бастап кейінгі он екі ай ішінде төленетін сыйақының жоспарланған жалпы мөлшері көрсетіледі.

17. Эмитенттің ұйымдық құрылымы.

Осы тармақта:

- 1) эмитенттің құрылымдық бөлімшелері, филиалдары және өкілдіктері;
- 2) эмитент қызметкерлерінің, оның ішінде эмитенттің филиалдары мен өкілдіктері қызметкерлерінің жалпы саны;
- 3) эмитенттің құрылымдық бөлімшелерінің басшылары туралы мәліметтер көрсетіледі.

3. Эмитенттің акционерлері (қатысушылары) және үлестес тұлғалары.

18. Эмитенттің акционерлері (қатысушылары).

Осы тармақта:

1) эмитент акционерлерінің (қатысушыларының) жалпы саны және эмитенттің қатысу үлестерінің (орналастырылған және дауыс беруші акцияларының) он және одан да көп пайызын иеленген акционерлер (қатысушылар) туралы ақпарат (заңды тұлғаның толық және қысқартылған атауы, орналасқан жері не жеке тұлғаның тегі, аты, әкесінің аты (бар болса));

2) эмитенттің акционерлері (қатысушылары) болып табылмайтын, бірақ басқа ұйымдар арқылы эмитенттің қызметін бақылау құқығы бар тұлғалар туралы мәліметтер (заңды тұлғаның толық және қысқартылған атауы, орналасқан жері не жеке тұлғаның тегі, аты, әкесінің аты (бар болса)) көрсетіледі.

19. Эмитенттің заңды тұлғаларының толық атауын, орналасқан жерін, оның жарғылық капиталындағы эмитенттің акцияларының (қатысу үлестерінің) пайыздық қатынасын, қызмет түрін, бірінші басшысының тегін, атын, әкесінің атын (ол бар болса) көрсете отырып, оның акцияларының (қатысу үлестердің) он және одан да көп пайызын иеленген заңды тұлғалар туралы мәліметтер.

20. Эмитент қатысатын өндірістік, банктік, қаржылық топтар, холдингтер, концерндер, қауымдастықтар, консорциумдар туралы ақпарат.

21. Эмитенттің басқа да үлестес тұлғалары туралы мәліметтер.

Осы тармақта заңды тұлғаның толық атауын (жеке тұлғаның тегі, аты, әкесінің аты (ол бар болса), оның орналасқан жері, қызметінің түрін, бар болса бірінші басшысының аты-жөнін көрсете отырып, осы Талаптардың 11, 12, 14, 18 және 19-тармақтарына сәйкес көрсетілмеген, бірақ Қазақстан Республикасының заңнамасына сәйкес эмитенттің үлестес тұлғалары болып табылатын барлық өзге тұлғалар туралы мәліметтер көрсетіледі.

22. Үлестес тұлғалардың қатысуымен жасалған мәмілелер.

Осы тармақта заңды тұлғаның атауы және оның орналасқан жері және (немесе) жеке тұлғаның тегі, аты, әкесінің аты (ол бар болса) және туған жылы, мәміле жасалған сомасы және осы шешімді эмитенттің қандай органы қабылдаған қорытындысының күндері көрсетіле отырып, Қазақстан Республикасының заңнамасына сәйкес эмитентке қатысты үлестес болып табылатын ұйымдардың қатысуымен соңғы жылда эмитент жүргізген барлық мәмілелер туралы ақпарат ашылады.

23. Жауапкершілігі шектеулі серіктестік нысанында құрылған эмитент мынадай тұлғалар:

1) эмитенттің бақылау кеңесінің қатысушысы не мүшесі болып табылатын жеке тұлғамен некеде болуына байланысты жақын туыстығы (ата-аналар (ата-ана), балалар, асырап алушылар, асырап алынғандар, ата-анасы бір және ата-анасы бөлек ағалы-інілер мен апалы-сіңлілер (аға-қарындастар), ата, әже, немерелер), сондай-ақ жұбайымен туыстығына байланысты жеке тұлғалар туралы;

2) осы тармақтың 3), 4), 5), 6) және 7) тармақшаларында көрсетілген заңды тұлғаның бақылау кеңесінің мүшелері туралы;

3) эмитенттің бақылау кеңесінің қатысушысы не мүшесі болып табылатын тұлға бақылау жасайтын заңды тұлғалар туралы;

4) ірі қатысушы болып табылатын не мүліктен он және одан артық пайыздық мөлшердегі үлес алуға құқығы бар эмитенттің бақылау кеңесінің қатысушысы не мүшесі болып табылатын тұлғаға қатысты заңды тұлғалар туралы;

5) эмитент ірі акционер болып табылатын немесе мүліктен он және одан артық пайыздық мөлшердегі үлес алуға құқылы болатын заңды тұлғалармен қатысы туралы;

6) эмитентпен бірге үшінші тұлғаның бақылауында болатын заңды тұлғалар туралы;

7) эмитент қабылдайтын шешімдерді шартқа сәйкес анықтайтын эмитентпен байланысқан тұлғалар туралы мәлімет ұсынуы керек.

4. Эмитент қызметінің сипаты

24. Нәтижесінде эмитенттің қызметіне елеулі түрде ықпал ететін эмитентпен жасалған келісім-шарттар, келісімдер туралы мәліметтер.

25. Құжаттың нөмірі мен күні, қолданылу мерзімі және осы құжатты берген орган көрсетілген эмитент қызметін жүзеге асыру үшін алынған патенттер, рұқсаттар туралы мәліметтер.

26. Эмитенттің негізгі қызмет түрлері бойынша сатудың (жұмыстардың, қызмет көрсетудің) кірістілігіне оң және теріс әсер ететін факторлар.

27. Эмитенттің қызметіне әсер ететін негізгі факторлар:

1) егер осы мәміленің (мәмілелердің) сомасы эмитент активтерінің баланстық құнының он пайызынан асқан жағдайдағы, исламдық бағалы қағаздарын шығару туралы шешім қабылданған күннен бастап алты ай ішінде жасалған немесе орындалған мәміле (мәмілелер) туралы мәліметтер;

2) болашақтағы міндеттемелері және олар орын алуының салдарынан эмитенттің қызметіне теріс әсер етуі;

3) эмитенттің сот процестеріне оның негізін сипаттай отырып, қатысуы туралы мәліметтер. Эмитенттің қатысуымен өткен, нәтижесінде эмитент қызметінің тоқтатылуы немесе шектелуі, оған маңызды ақшалай және өзге де міндеттемелер берілуі орын алатын сот процестерінің мәніне сипаттама беру керек;

4) уәкілетті мемлекеттік органдар және/немесе соттың санкция қолданылған күнді, санкция қолданған органды, санкция қолдану себептерін, санкцияның түрлерін және мөлшерін, сондай-ақ санкцияның орындалу дәрежесін көрсете отырып, соңғы жыл ішінде эмитентке және оның лауазымды тұлғаларына қолданған барлық әкімшілік санкциялар туралы мәліметтер;

5) исламдық бағалы қағаздарды ұстаушылары ұшырауы мүмкін тәуекел факторларына нақты талдауды көрсеткендегі тәуекел факторлары;

б) эмитенттің қызметі туралы басқа да ақпарат.

5. Қаржылық жай-күйі

28. Баланстық құны материалдық емес активтердің жалпы баланстық құнының бес және одан көп пайызын құрайтын материалдық активтердің түрлері

29. Баланстық құны негізгі қаражаттың жалпы баланстық құнының бес және одан көп пайызын құрайтын негізгі қаражаттың түрлері.

30. Инвестициялар.

Осы мәселе бойынша ақпарат мынадай құрылымда ұсынылуы тиіс: басқа заңды тұлғалардың капиталына тікелей инвестициялар, ұзақ мерзімді инвестициялар және инвестициялық портфель.

31. Дебиторлық берешек.

Осы тармақта эмитенттің алдында дебиторлық берешектің жалпы сомасының бес және одан көп пайызы мөлшерінде дебиторлық берешегі бар ұйымның атауын көрсете отырып дебиторлық берешектің құрылымы не эмитенттің неғұрлым ірі он дебиторының тізімі ашылады.

32. Осы тармақта эмитенттің жарғылық және меншікті капиталының мөлшері көрсетіледі.

33. Қарыздар.

Осы тармақта қолданылып жүрген банктік қарыздар және кредиттік желілер, олардың валютасы, сыйақы ставкалары, қамтамасыз ету түрлері туралы ақпарат ашылады. Жақын арадағы он екі ай ішінде өтелетін сомалар тоқсан бойынша бөлінеді, қалған сомалар жылдар бойынша бөліне отырып ұсынылады.

34. Эмитенттің негізгі қызметін жүзеге асыруға байланысты кредиторлық берешегі.

Осы тармақта эмитент өзінің кредиторлық берешектің жалпы сомасының бес және одан көп пайызы мөлшерінде берешегі бар ұйымның атауын көрсете отырып, кредиторлық берешектің құрылымы не эмитенттің бірінші он неғұрлым ірі кредиторлық тізімі ашылады.

35. Эмитенттің соңғы үш аяқталған қаржы жылы ішінде алған (шеккен) кірістің (шығынның) мөлшері (үш жылдың ішіндегі әр жылдың қорытындысы бойынша бөлігінде).

36. Левередж.

Осы тармақта эмитенттің және оригинатордың левередж шамасы соңғы үш жылдың әр аяқталған қаржы жылының бірінші күнгі, сондай-ақ исламдық бағалы қағаздар шығарылымының проспектісін беру алдындағы соңғы тоқсанның аяғындағы жағдай бойынша көрсетіледі.

37. Эмитенттің қаржылық жай-күйінің критерийлері және эмитент пен оригинатор үшін исламдық бағалы қағаздар шығарылымын сатып алу міндеттілігіне алып әкелетін басқа да көрсеткіштер.

6. Тіркелген бағалы қағаздар шығарылымдары туралы мәліметтер

38. Исламдық бағалы қағаздар шығарылымы туралы шешім қабылданғанға дейін эмитенттің эмиссиялық бағалы қағаздардың барлық тіркелген шығарылымдарына қатысты былай көрсетіледі:

1) исламдық бағалы қағаздардың әрбір шығарылымының саны, түрі және номиналдық құны, әрбір шығарылым бойынша тартылған ақша көлемі, сондай-ақ осы бағалы қағаздар ұстаушыларына төленген өтеу сомасы мен кіріс мөлшерін қоса алғанда, исламдық бағалы қағаздар бойынша өтеу күні және

төлемнің жалпы мөлшері, исламдық бағалы қағаздар шығарылымын мемлекеттік тіркеуді жүзеге асырған орган, мемлекеттік тіркеу нөмірі және осы шығарылымды мемлекеттік тіркеу күні;

2) эмитенттің орналастырылған акцияларының жалпы саны, түрі және номиналдық құны, сондай-ақ акцияларды орналастыру кезінде тартылған ақшаның жалпы сомасы, соңғы сатып алынған күнгі бағасы көрсетілген айналыстағы, сатып алынған акциялар саны, акцияны сатып алу әдістемесі бекітілген күн, акциялар шығарылымын мемлекеттік тіркеуді жүзеге асырған орган, осындай шығарылымның мемлекеттік тіркеу нөмірі және мемлекеттік тіркеу күні;

3) егер бағалы қағаздардың қандай да болмасын шығарылымы тоқтатылған немесе жарамсыз болып танылған не күші жойылған жағдайда осындай шешімдерді қабылдаған мемлекеттік орган, оларды қабылдау негіздемелері және күні;

4) исламдық бағалы қағаздар бойынша өтеу күндері және төлемдердің жалпы мөлшері;

5) соңғы екі қаржылық жылының әрбір жылындағы немесе нақты жұмыс істеу кезеңіндегі бір акцияға дивидендтердің есептелген сомасын және төленген дивидендтердің сомасын көрсеткендегі дивиденд мөлшері;

6) сауда-саттық ұйымдастырушылардың атауын қоса алғанда, эмитенттің бағалы қағаздарымен сауда жүзеге асырылатын негізгі нарықтар.

7. Исламдық бағалы қағаздарды шығару жөніндегі мәліметтер

39. Исламдық бағалы қағаздары туралы мәліметтер:

1) Исламдық бағалы қағаздардың түрлері;

2) шығарылатын исламдық бағалы қағаздардың саны;

3) бір исламдық бағалы қағаздың номиналдық құны;

4) исламдық бағалы қағаздар шығарылымының номиналдық құны бойынша жалпы көлемі;

5) исламдық бағалы қағаздар бойынша кіріс мөлшерін анықтау тәртібі;

6) исламдық бағалы қағаздар бойынша кірісті исламдық бағалы қағаздар ұстаушыларына төлем жасау мерзімі және талаптары;

7) резервтік қорды қалыптастыру тәртібі, оның ішінде эмитенттің бөлінген активтері құрамында осы қорды құру және одан әрі қалыптастыруға бағытталған алынған кірістің пайызы, сондай-ақ резервтік қордың қаражатын пайдалану жөніндегі мәліметтер;

8) эмитент пен оригинатор арасындағы инвестициялық жоба бойынша (исламдық қатысу сертификаттарын шығару кезінде) кірісті бөлу және пайыздық арақатынас тәртібі;

9) сенімгерлік басқарушыға бөлінген актив бойынша (оригинаторға) төленетін комиссиялық сыйақы мөлшері;

10) қаржыландыру объектісіне қойылатын талаптар (исламдық қатысу сертификаттарын шығару кезінде);

11) исламдық бағалы қағаздарды орналастыру, айналысқа жіберу және өтеу жөніндегі, мыналарды көрсеткендегі, мәліметтер:

исламдық бағалы қағаздарды орналастыру мерзімі (орналастырудың басталу және аяқталу күні);

исламдық бағалы қағаздарды айналысқа жіберу мерзімі (айналысқа жіберудің басталу және аяқталу күні);

исламдық бағалы қағаздарды өтеу күні және талаптары;

исламдық бағалы қағаздарды өтеу жасалатын орын (орындар);

исламдық бағалы қағаздарды өтеу тәсілі;

12) исламдық бағалы қағаздарға төлем жасау талаптары және тәртібі, есеп айырысу тәсілдері;

13) оригинатор мен эмитенттің құқықтары мен міндеттері;

14) әрбір исламдық бағалы қағазды оның ұстаушысына мынаны көрсете отырып берген құқығы:

исламдық бағалы қағаздарды мерзімінен бұрын өтеу және сатып алу тәртібі (исламдық бағалы қағаздарды сатып алу талаптары, жағдайлары, өтеу және сатып алу мерзімі);

эмитенттің және оригинатордың қызметі, оның ішінде эмитенттің және оригинатордың исламдық бағалы қағаздары ұстаушылары үшін ақпарат жариялап отыратын бұқаралық ақпарат құралдары туралы ақпаратты қосқандағы эмитенттің және оригинатордың қаржылық есеп беруі жөнінде исламдық бағалы қағаздары ұстаушыларына ақпарат беру тәртібі;

қаржыландыруға байланысты (исламдық қатысу сертификаттарын шығарған кезде) инвестициялық жобаларды іріктеу кезінде оригинатормен бірлесіп, шешімдерді қабылдау құқықтарын іске асыру рәсімдері;

исламдық бағалы қағаздары бойынша дефолт жарияланған жағдай пайда болған кездегі оқиғалар және бұл жағдайда исламдық бағалы қағаздары ұстаушыларының қандай құқықтары бар;

әрбір исламдық бағалы қағаздары бойынша ұстаушыға берілетін өзге де құқықтар;

15) эмитенттің және оригинатордың исламдық бағалы қағаздары бойынша дефолт болған жағдайда қабылдайтын шаралары, сондай-ақ исламдық бағалы

қағаздарды өтеу кезінде міндеттемелерін орындамаған немесе тиісінше орындамаған кезде исламдық бағалы қағаздарды ұстаушылардың құқықтарын қорғау рәсімдері көрсетіледі;

16) тіркеушінің атауын, оның тұрғылықты жерін, телефон нөмірлерін, шарттың күні және нөмірі көрсете отырып, исламдық бағалы қағаздары бойынша құқықтарды есепке алу тәртібі;

17) төлем жасаушы агент жөніндегі мәліметтер (атауы, тұрғылықты жері, телефон нөмірлері, тиісті шарттың күні және нөмірі).

Оның атауы, оның тұрғылықты жері, телефон нөмірлері, тиісті шарттың күні және нөмірі көрсетіледі.

40. Исламдық жалдау сертификаттарын шығару кезінде мыналар көрсетіледі:

қолданыстағы жалдау шарты бұзылған жағдайда жаңа жалдау шартын (қаржы лизингі) жасау талаптары мен мерзімі;

жалдау шарттарын (қаржы лизингі) жасау (бұзу) фактісі туралы исламдық жалдау сертификаттарының ұстаушыларын хабардар ету тәртібі мен мерзімі;

бөлінген активтерді құрайтын (исламдық жалдау сертификаттарын шығару кезінде) мүлікті (қаржы лизингі) жалдау жөніндегі шарт бойынша келіп түскен төлемдерді бөлу тәртібі және мерзімі;

бөлінген активтер құрамына кіретін мүлік және талап ету құқықтары туралы ақпарат, сондай-ақ оларды пайдалану талаптары, тәртібі және мерзімі.

41. Исламдық бағалы қағаздарды орналастырудан түскен ақшаны пайдалану.

Исламдық бағалы қағаздарды орналастырудан алынған ақшаны инвестициялаудың тәртібі мен талаптары, сондай-ақ алынған ақшаны жоспарлап отырған бөлудегі болуы мүмкін өзгерістер пайда болған кезде, осы өзгерістерді көрсететін талаптар, исламдық бағалы қағаздардың шығарылымынан және оны орналастырудан алынған қаражат есебінен сатып алынған мүлікке тәуелсіз баға берушінің баға беру тәртібі мен мерзімі көрсетіледі.

42. Бөлінген активтер бойынша уақытша еркін түскен түсімдерді инвестициялау тәртібі.

43. Эмитентті тарату.

Оригинатор эмитентті тарататын кездегі талаптар көрсетіледі.

44. Эмитенттің инвестициялық жобадағы акцияларды (қатысу үлестерін) оригинаторға сенімгерлік басқаруға берген жағдайында осы акцияларды (қатысу үлестерін) беру мерзімі мен тәртібі көрсетіледі.

8. Исламдық бағалы қағаздары ұстаушыларының өкілі туралы ақпарат

45. Исламдық бағалы қағаздарды ұстаушылардың өкілі туралы мәліметтер:

- 1) атауы;
- 2) тұрғылықты орны, байланыс телефоны;
- 3) исламдық бағалы қағаздарды ұстаушылардың өкілі атқарушы органының бірінші басшысының, мүшелерінің тегі, аты, әкесінің аты (ол бар болса);
- 4) исламдық бағалы қағаздарды ұстаушылардың өкіліне уәкілетті орган бағалы қағаздар нарығындағы кастодиандық және (немесе) брокерлік және дилерлік қызметті жүзеге асыру үшін берген лицензиясының күні және нөмірі;
- 5) исламдық бағалы қағаздарды ұстаушыларға және оның эмитентіне қатысты исламдық бағалы қағаздарды ұстаушылар өкілінің құқықтары мен міндеттері;
- 6) исламдық бағалы қағаздарды ұстаушылардың және (немесе) эмитенттің өкілге олардың атынан олардың мүдделерін қорғау мақсатында сотқа, уәкілетті органға және өзге мемлекеттік органдарға шағым жасау жөніндегі құқықтарын ұсыну тәртібі;
- 7) өкілдің исламдық бағалы қағаздарды ұстаушылар, сондай-ақ оригинатордың қызметі және оның қаржылық есеп беруі жөніндегі ақпаратты алу тәртібі;
- 8) өкілдің эмитенттің исламдық бағалы қағаздарды ұстаушылар алдындағы міндеттемелерін орындау жөніндегі эмитенттің есептерін алу тәртібі мен мерзімі;
- 9) өкілдің қаржыландыру объектісі туралы құжаттар мен ақпаратты алу тәртібі мен мерзімі;
- 10) өкілдің исламдық бағалы қағаздарды ұстаушыларды, сондай-ақ уәкілетті органның қаржыландыру объектісінің исламдық бағалы қағаздар шығарылымының талаптарына сәйкес келмеуі туралы хабарламаны беру тәртібі мен мерзімі;
- 11) өкілдің қаржыландыру объектісінің исламдық бағалы қағаздар шығарылымының талаптарына сәйкес келмеуі себептері бойынша исламдық бағалы қағаздарды мерзімінен бұрын өтеу туралы талаптарын эмитентке немесе оригинаторға жіберу тәртібі мен мерзімі.

9. Қосымша ақпарат

46. Исламдық бағалы қағаздары айналысындағы шектеулер.

Исламдық бағалы қағаздар жасаған айналысындағы кез келген шектеулер, орналастырылатын исламдық бағалы қағаздардың ықтимал сатып алушыларына қатысты шектеулер, оның ішінде арасында исламдық бағалы қағаздарды орналастыру жоспарланып отырған тұлғалар тобы көрсетіледі.

47. Исламдық бағалы қағаздардың шығарылымына кеткен шығындардың сомасы және осы шығындар қандай тәсілмен төленгендігі (төленетіндігі) туралы мәліметтер.

48. Инвесторлар эмитент жарғысының көшірмесімен, исламдық бағалы қағаздар шығарылымының проспектісімен, исламдық бағалы қағаздарды орналастыру жиынтығы туралы есеппен танысатын орындар туралы эмитент қызметі туралы ақпарат жариялау үшін пайдаланатын бұқаралық ақпарат құралдарында орналастыру.

Исламдық бағалы қағаздар шығарылымының проспектісіне эмитенттің бірінші басшысы, бас бухгалтері немесе олардың орнындағы адамдардың қолы қойылады және эмитент мөрінің таңбасымен куәландырылады. Проспектісінің әрбір данасы Талаптардың 3-тармағында көрсетілген құжаттармен бірге тігіледі және тігістің түйініне және жартылай параққа желімделген қағаз пломбамен бекітіледі. Мөрдің таңбасы жартылай қағаз пломбаға, жартылай құжаттың парағына басылуы және бірінші басшысының немесе оның орнындағы адамның қолымен куәландырылуы тиіс.

Қазақстан Республикасы
Ұлттық Банкі Басқармасының
2015 жылғы 19 желтоқсандағы
№ 251 қаулысына
3-қосымша

Қазақстан Республикасының күші жойылды деп танылатын нормативтік құқықтық актілерінің тізбесі

1. "Ислам бағалы қағаздары шығарылымын мемлекеттік тіркеу, ислам бағалы қағаздарын орналастыру және өтеу қорытындылары туралы есептерді қарау, сондай-ақ ислам бағалы қағаздарына ұлттық сәйкестендіру нөмірлерін беру жөніндегі ережені бекіту туралы" Қазақстан Республикасы Қаржы нарығын және қаржы ұйымдарын реттеу мен қадағалау агенттігі Басқармасының 2009 жылғы 27 наурыздағы № 57 қаулысы (Нормативтік құқықтық актілерді мемлекеттік тіркеу тізілімінде № 5669 тіркелген).

2. "Қазақстан Республикасының кейбір нормативтік құқықтық актілеріне сәйкестендіру нөмірлері бойынша өзгерістер мен толықтырулар енгізу туралы" Қазақстан Республикасы Қаржы нарығын және қаржы ұйымдарын реттеу мен қадағалау агенттігі Басқармасының 2010 жылғы 29 наурыздағы № 50 қаулысымен (Нормативтік құқықтық актілерді мемлекеттік тіркеу тізілімінде № 6219 тіркелген, 2010 жылғы 26 тамызда Қазақстан Республикасының орталық атқарушы және өзге де орталық мемлекеттік органдарының актілер жинағында № 14, 2010 жылғы 3 қарашада "Егемен Қазақстан" газетінде № 456 (26299) жарияланған) бекітілген Қазақстан Республикасының кейбір нормативтік құқықтық актілеріне сәйкестендіру нөмірлері бойынша енгізілетін өзгерістер мен толықтырулар тізбесінің 26-тармағы.

3. "Эмиссиялық бағалы қағаздар шығарылымын тіркеу, сондай-ақ орналастыру, айналысқа жіберу және жою мәселелері бойынша Қазақстан Республикасының нормативтік құқықтық актілеріне өзгерістер мен толықтырулар енгізу туралы" Қазақстан Республикасы Қаржы нарығын және қаржы ұйымдарын реттеу мен қадағалау агенттігі Басқармасының 2012 жылғы 24 ақпандағы № 77 қаулысымен (Нормативтік құқықтық актілерді мемлекеттік тіркеу тізілімінде № 7535 тіркелген, 2012 жылғы 5 қыркүйекте "Егемен Қазақстан" газетінде № 582-587 (27660) жарияланған) бекітілген Эмиссиялық бағалы қағаздар шығарылымын тіркеу, сондай-ақ орналастыру, айналысқа жіберу және жою мәселелері бойынша Қазақстан Республикасының кейбір нормативтік құқықтық актілеріне енгізілетін өзгерістер мен толықтырулардың 3-тармағы.

4. "Қазақстан Республикасының кейбір нормативтік құқықтық актілеріне өзгерістер енгізу туралы" Қазақстан Республикасы Ұлттық Банкі Басқармасының 2013 жылғы 26 сәуірдегі № 110 қаулысымен (Нормативтік құқықтық актілерді мемлекеттік тіркеу тізілімінде № 8505 тіркелген, 2013 жылғы 6 тамызда "Заң газеті" газетінде № 115 (2316) жарияланған) бекітілген Өзгерістер енгізілетін Қазақстан Республикасының нормативтік құқықтық актілері тізбесінің 23-тармағы.

5. "Қазақстан Республикасының кейбір нормативтік құқықтық актілеріне қаржы нарығын және қаржы ұйымдарын реттеу, бақылау мен қадағалау мәселелері бойынша өзгерістер мен толықтырулар енгізу туралы" Қазақстан Республикасы Ұлттық Банкі Басқармасының 2014 жылғы 16 шілдедегі № 109 қаулысымен (Нормативтік құқықтық актілерді мемлекеттік тіркеу тізілімінде № 9712 тіркелген, 2014 жылғы 28 қазанда "Заң газеті" газетінде № 162 (2556) жарияланған) бекітілген Қазақстан Республикасының қаржы нарығын және қаржы ұйымдарын реттеу, бақылау мен қадағалау мәселелері бойынша өзгерістер мен толықтырулар енгізілетін нормативтік құқықтық актілері тізбесінің 8-тармағы.